



## Coirib go Cósta

Scéim Faoisimh Tuilte Chathair na Gaillimhe  
Galway City Flood Relief Scheme

Clár

Lá Rannpháirtíocht an Phobail uimh. 1

# 1

## Fáilte agus Réamhrá

*“caidreamh láidir leis an abhainn agus an fharraige”*

**Cuireann Comhairle Cathrach na Gaillimhe agus Oifig na nOibreacha Poiblí fáilte romhaibh chuig an gcéad lá neamhrechtúil le haghaidh rannpháirtíocht an phobail maidir le Coirib go Cósta, Scéim Faoisimh Tuile Chathair na Gaillimhe.**

Mar gheall ar na srianta reatha COVID-19 a bhaineann le cruinniú an phobail, ullmháodh an seomra fíorúil eolais seo duit chun go mbeidh fáil agat ar eolas agus pleananna maidir leis an scéim.

Tugann Comhairle Cathrach na Gaillimhe agus OOP cuireadh duit páirt a ghlacadh sa phróiseas leathan comhairliúcháin atá ar siúl mar chuid den scéim seo. Leis an gcéad lá Rannpháirtíocht an Phobail seo, cuirfear limistéar na scéime in iúl duit, míneofar cén fáth a bhfuil an scéim ag teastáil, na sriantachtaí a aithníodh go dtí seo agus tabharfar spreagadh duit teagmháil a dhéanamh linn tríd an bhfoirm aiseolais ar an suíomh gréasáin seo.

Cuirfear an t-aiseolas ar fad san áireamh. Féach fógra 5 le haghaidh sonraí faoi na deiseanna a bheidh ann páirt a ghlacadh de réir mar a théann an scéim ar aghaidh.

## Réamhrá

Cathair rathúil réigiúnach is ea Gaillimh a chuireann go mór leis an ngeilleagar i gcoitinne. Tá **foirm uathúil thógála** ag an gcathair, go háirithe i lár na cathrach, a bhfuil a oidhreacht seandálaíochta, sráid-dreacha stairiúla, foirgnimh éagsúla, canálacha, taraenna agus a **caidreamh láidir leis an abhainn agus an fharraige** ina gcomharthaí sóirt aige. Mar sin, tá timpeallacht thógtha agus nádúrtha ar leith ag an gcathair a chuireann le rath geilleagrach na cathrach agus leis an mealladh atá i nGaillimh mar áit le cónaí, oibriú agus foghlaim inti. Dá bharr sin, tá an tóir ar an gcathair mar cheann scríbe do thurasóirí agus mar mhol cultúrtha ag dul i méid.

Aithníodh an chathair sa **Chreat Náisiúnta Pleanála (CNP)** mar áit a bhfuil an cumas aici dul san iomaíocht ar leibhéal idirnáisiúnta, timpeallacht chónaithe uirbeach ar ardchaighdeán a chur ar fáil agus mar áit a bhfuil lár na cathrach a d'fhéadfadh athbheochan inti.

Tá léiriú ar an bhfís sin freisin i **bPlean Forbartha Cathrach (PFC) na Gaillimhe 2017-2023** agus tacaíonn an plan le leathnú lár na cathrach chun spás a dhéanamh do dhaonra níos mó agus gníomhaíocht fostaíochta níos mó agus leibhéal fheabhsaithe fóillíochta agus cáilíochta dearaidh.

**Ba mhaith linn do thuairimí a chloisteáil. Pléifidh an tionscadal faoisimh tuile Coirib go Cósta bainistíú éifeachtach agus inbhuanaithe an riosca tuile i gCathair na Gaillimhe. Cinnteoidh sé freisin go n-aithneoidh dearadh aon bhirt, go háirithe beart struchtúrach, carachtar agus oidhreacht uathúil na cathrach agus go gcuirfear aiseolas ón bPobal san áireamh.**

Beidh **Coirib go Cósta** ag teacht le **Straitéis Spásanna Poiblí na Gaillimhe 2019-2040** ina leagtar amach fis agus straitéis le feabhsúcháin a dhéanamh chun treoir a thabhairt d'infheistíocht agus forbairt amach anseo chun ceiliúradh a dhéanamh ar uathúlacht na Gaillimhe.

**Rachaidh an tionscadal seo freisin chun tairbhe Straitéis Iompair na Gaillimhe (SIG) 2016-2035** mar tá roinnt de na bearta SIG lonnaithe laistigh de na limistéir a ndírítear orthu maidir le faoiseamh tuile.



**Cuireann Comhairle Cathrach na Gaillimhe agus OOP, in éineacht lena sainchomhairleoirí agus comhoibrithe dearaidh, fáilte roimh d'aiseolas agus tacaíocht luachmhar i dtaca leis an scéim sin.**





## Coirib go Cósta

Scéim Faoisimh Tuilte Chathair na Gaillimhe  
Galway City Flood Relief Scheme

Clár

Lá Rannpháirtíocht an Phobail uimh. 1

# 2

## Achoimre ar an scéim & Limistéar an Tionscadail



*“San am atá thart bhí tuilte arís agus arís eile sna limistéir sin.”*

### Riosca Tuile Stairiúil



© Connacht Tribune

Tá Cathair na Gaillimhe nochta ar thuilte ó fhoinsí éagsúla, mar shampla nuair atá Abhainn na Gaillimhe lán, le linn borradh stoirme, uisce ag dul thar bhacainn agus draenacha sreafa isteach le haghaidh uisce stoirme. I bhformhór na gcásanna bíonn na foinsí ann ag an am céanna, agus d'fhéadfaidís le chéile a bheith ina gcúis le scriosadh forleathan na réadmhaoine agus na beatha áitiúla.


San am atá thart bhí tuilte i gceantair cosúil leis an bPóirse Caoch, Sráid na Céibhe, Sráid Thobar an Iarla, Bóthar an Athar Uí Ghríofa, Ceantar na nDugaí agus ceantar Bhóthar na Trá Íochtarach.

Le blianta beaga anuas, tháinig tonnta thar bhacainn agus sáraíodh cosaintí áitiúla ar thuilte i gceantar Bhóthar na Trá, Calafort na Gaillimhe agus na Dugaí mar gheall ar dhrochstoirmeacha ón Atlantach. I bhFeabhra 2014 agus Eanáir 2018, fágadh líon suntasach ionad réadmhaoine faoin uisce mar gheall go raibh tonnta arda, borradh stoirme, rabhartaí agus leibhéal arda in Abhainn na Gaillimhe ag an am céanna.

### Achoimre ar an Scéim

Rinne Oifig na nOibreacha Poiblí, agus í ag obair in éineacht le Comhairle Cathrach na Gaillimhe agus Údarás Áitiúla eile, Staidéar Measúnaithe agus Bainistíochta Riosca i gCás Tuilte Dobharcheantair (CFRAM) an Iarthair le haghaidh Abhantrach na Coiribe.

Figure Indicative scheme area



A. Galway Bay North B. Corrib | C. Galway Bay South East

Cuireadh Cathair na Gaillimhe san áireamh mar Limistéar um Measúnú Breise (LMB) agus cinneadh go mbeadh scéim faoisimh tuile inmharthana agus go mbeadh éifeacht ag baint leis ar mhaithe leis an bpobal. Dá bharr sin, choimisiúnaigh Comhairle Cathrach na Gaillimhe agus OOP Scéim Faoisimh Tuile Chathair na Gaillimhe, Coirib go Cósta.

Aithníodh limistéar tascach don scéim agus cuireadh tús leis na céimeanna tosaigh le haghaidh Coirib go Cósta, an Staidéar ar Shriantachtaí agus Deiseanna agus na réamh-Shuirbhéanna Dearaidh san áireamh. Tá an staidéar agus limistéar na scéime le feiceáil sa léarscáil ar chlé.


Tá sreabhchairt thascach a léiríonn an próiseas ón tús go dtí tógáil don tionscadal Coirib go Cósta thíos.

**Limistéar Staidéir:** Limistéir dobharcheantair iomlána hidreolaíocha a bhfuil tionchar acu ar uiscebhealaí i limistéar na scéime, a mbeidh tionchar acu ar an limistéar a bhainfidh leas as aon scéim indéanta, nó a chosnófar le haon scéim indéanta, agus aon limistéar a bhfuil measúnuithe comhshaoil ag teastáil ina leith

**Limistéar Scéime:** limistéar ina bhfuil sé beartaithe oibreacha fisiceacha a thógáil, rochtain a fháil ar na hoibreacha sin, agus cothabháil a dhéanamh ar na hoibreacha sin mar chuid d'aon scéim indéanta

### Sreabhchairt Thascach

Táimid anseo



### Cuspóir an Tionscadail

Is é cuspóir an Tionscadail seo Scéim Faoisimh Tuile a mheas agus a fhorbairt a bheadh inghlactha ó thaobh cúrsaí teicniúla, sóisialta, comhshaoil, cuma agus geilleagair de, chun an riosca tuile i gCathair na Gaillimhe a mhaolú.

### Stádas Reatha

Tá Coirib go Cósta ag céim luath. Tá Comhairle Cathrach na Gaillimhe, i gcomhar leis an bhfoireann innealtóireachta agus timpeallachta in Arup, ag iarraidh tuairimí agus eolas na bpobal áitiúil i gCathair na Gaillimhe agus atá ag na páirtithe ar fad a bhfuil spéis acu a chuimsiú.